

Oáhchiòh kah Sèngkiat ê Kokbîn

2 Sói, lín tiòh tûkhì sôu ê oktòk, kúichà, gūisiān, oàntò kah híupòng. 2 Lín tiantò tiòh chhinchhiūⁿ tú chhutsì ê eⁿ'á, khatbō sūnchēng ê chintō ê leng, thang hō lín chiāmchiām sēngtióng, tìsú titkiù; 3 inūi lín íkeng tam tiòh Chú intián ê chubī.

4 Lín tiòh chhinkīn Chú, I sī oáhchiòh, suiĵiân hō lāng khìsak, khiok sī SiōngChú sǒ kóngsoán, sǒ tinsioh ê. 5 Lín mā tiòh chiāⁿchò oáhchiòh, ēng lâi khíchō siók lēng ê tiān, koh chiāⁿchò sèngkiat ê chèsi, thongkòe lésu Kitok, hiàn chiūⁿ hō SiōngChú hoaⁿhí ê siók lēng chēmih. 6 Inūi kengtián ū kìchài:

**Lí khòaⁿ, góa beh tī Sióng hē chit tè chiòh,
sī siū kóngsoán ê pókui ê chhùkak chiòh,
sìnkho I ê lāng choattùi bē sítbāng³**

7 Chit tè chiòh tùi lín chiahe sìn ê lāng lâi kóng sī chin pókui, m̄ koh, tùi hiahê m̄ sìn ê lāng khiok sī:

**Khíchù saihū só khìsak ê chiòh,
íkeng chiāⁿchò chhùkakthâu siōng tiōngiàu ê
chiòh.⁴**

8 Tī pát ūi ê kengtián koh ū kìchài:

**Chit tè sī ē hō lāng tiòhtak ê chiòh,
ē hō lāng poáhtó ê chiòh⁵**

In poáhtó sī inūi in m̄ sūnhók chintō; che sī SiōngChú ê chí sǒ tiāⁿtiòh ê.

9 M̄ koh, lín sī siū kóngsoán ê chéngchòk, sī ôngsek ê chèsi, sī sèngkiat ê kòktō; sī SiōngChú ê chúbîn. SiōngChú tiàu lín līkhui oām, chìnĵip I

活石 kah 聖潔 ê 國民

2 所以, lín tiòh 除去所有 ê 惡毒、詭詐、偽善、怨妒 kah 誹謗。2 Lín 顛倒 tiòh 親像 tú 出世 ê 嬰 á, 渴慕純淨 ê 真道 ê 奶, thang hō lín 漸漸成長, 致使得救; 3 因為 lín 已經 tam tiòh 主恩典 ê 滋味。

4 Lín tiòh 親近主, 祂是活石, 雖然 hō 人棄 sak, 卻是上主所揀選, 所珍惜 ê。5 Lín mā tiòh 成做活石, 用來起造屬靈 ê 殿, koh 成做聖潔 ê 祭司, 通過耶穌基督, 獻 chiūⁿ hō 上主歡喜 ê 屬靈祭物。6 因為經典有記載:

你看, 我 beh tī 錫安 hē 一塊石,
是受揀選 ê 寶貴 ê 厝角石;
信靠祂 ê 人絕對 bē 失望。³

7 Chit 塊石對 lín chiahe 信 ê 人來講是真寶貴, m̄ koh, 對 hiahê m̄ 信 ê 人卻是:

起厝師傅所棄 sak ê 石,
已經成做厝角頭 siōng 重要 ê 石。⁴

8 Tī 別位 ê 經典 koh 有記載:

Chit 塊是 ē hō 人 tiòh 觸 ê 石,
ē hō 人跋倒 ê 石。⁵

In 跋倒是因為 in m̄ 順服真道; 這是上主 ê 旨意所定 tiòh ê。

9 M̄ koh, lín 是受揀選 ê 種族, 是王室 ê 祭司, 是聖潔 ê 國度, 是上主 ê 子民。上主召 lín 離開烏暗, 進入祂奇妙 ê 光明, 是為 tiòh beh

³ ISI 28:16

⁴ SPh 118:22

⁵ ISI 8:14

³ 賽 28:16

⁴ 詩 118:22

⁵ 賽 8:14

kíbiāu ê kngbêng, sī ūi tiòh beh hō lín soaniông l ê útāi chokūi.

10 Lín íchêng m̄ sī SiōngChú ê chúbîn, taⁿ sī l ê chúbîn; íchêng lín bô tit tiòh SiōngChú ê liân bín, taⁿ ū tit tiòh l ê liân bín.

SiōngChú ê Lôpók

11 Chhinài ê hiaⁿtī chímōe, lín tī sèkan sī chò kòelōkkeh kah kiàkha ê lâng. Góa khng lín m̄ thang hòngchhiòng jiòkthé ê chêngiòk; chit chióng chêngiòk putsî teh kah lênghún chengchiàn. 12 Lín tī bīsinchiá tiongkan tiòh ū hó kiáⁿtáh, thang hō hiahê húipòng lín sī pháiⁿlâng ê lâng, inūi khòanⁿkìⁿ lín ê hó phínhēng, tòh tī Chú kàmchhat ê jitchí, kui êngkng hō SiōngChú.

13 Ūi tiòh Chú ê iánkò, lín tiòh sūnhók lâng só siatlíp ê itchè chètō, jíchhiáⁿ bôlūn sī chikòan ê kunông, 14 á sī kunông chhephài lâi hênghoát pháiⁿ lâng, kah chiónglê hó lâng ê koaⁿoân, lín lóng tiòh sūnhók. 15 Inūi che sī SiōngChú ê chí, l ài lín chò hósū, thang hō hiahê bûti ê gōng lâng bô ôe thang kóng. 16 Lín sui jian sī chūiū ê, m̄ koh m̄ thang ēng chūiū lâi jiakhàm siâok, khiok tiòh chò SiōngChú ê lôpók. 17 Lín tiòh chuntiong sōu ê lâng, thiàⁿ Chú lâi ê hiaⁿtī chímōe, koh kèngùi SiōngChú, chunkèng kunông.

Ēng Kitok ê Siūkhó Lâi Chò Bôhoān

18 Lín chò lôpók ê lâng, hoānsū lóng tiòh chūn kèngùi ê sim lâi sūnhók chúlâng; m̄ nā tui siānliông unjiū ê chúlâng áne, liân tui khekpók ê chúlâng mā tiòh áne. 19 Lâng siū oanóng ê sī, nā ū thêhōe che sī SiōngChú ê chí, tìsú jímsiū khóchhó, SiōngChú tòh ē chiokhok i. 20 Lín nā inūi chò m̄ tiòh, chiah lâi jímsiū hō lâng hênghoát ê khóchhó, che ū siáⁿmlh khóchhú? M̄ koh, lín nā inūi chò hósū siūkhó, koh ē tàng jímnāi, SiōngChú tòh ē chiokhok lín. 21 Che tòh sī SiōngChú hōtiau lín ê bóktek; inūi Kitok mā bat ūi lín siūkòe khó,

hō lín 宣揚祂 ê 偉大作為。

10 Lín 以前 m̄ 是上主 ê 子民, taⁿ 是祂 ê 子民; 以前 lín 無得 tiòh 上主 ê 憐憫, taⁿ 有得 tiòh 祂 ê 憐憫。

上主 ê 奴僕

11 親愛 ê 兄弟姊妹, lín tī 世間是做過路客 kah 寄腳 ê 人。我勸 lín m̄ thang 放縱肉體 ê 情慾; chit 種情慾不時 teh kah 靈魂爭戰。 12 Lín tī 未信者中間 tiòh 有好行踏, thang hō hiahê 誹謗 lín 是 pháiⁿ 人 ê 人, 因為看見 lín ê 好品行, tòh tī 主監察 ê 日子, 歸榮光 hō 上主。

13 為 tiòh 主 ê 緣故, lín tiòh 順服人所設立 ê 一切制度, 而且無論是至 koân ê 君王, 14 á 是君王差派來刑罰 pháiⁿ 人, kah 獎勵好人 ê 官員, lín lóng tiòh 順服。 15 因為這是上主 ê 旨意, 祂 ài lín 做好事, thang hō hiahê 無知 ê 戇人無話 thang 講。 16 Lín 雖然是自由 ê, m̄ koh m̄ thang 用自由來遮蓋邪惡, 卻 tiòh 做上主 ê 奴僕。 17 Lín tiòh 尊重所有 ê 人, 疼主內 ê 兄弟姊妹, koh 敬畏上主, 尊敬君王。

用基督 ê 受苦來做模範

18 Lín 做奴僕 ê 人, 凡事 lóng tiòh 存敬畏 ê 心來順服主人; m̄ nā 對善良溫柔 ê 主人 áne, 連對刻薄 ê 主人 mā tiòh áne。 19 人受冤枉 ê 時, 若有體會這是上主 ê 旨意, 致使忍受苦楚, 上主 tòh ē 祝福伊。 20 Lín 若因為做 m̄ tiòh, chiah 來忍受 hō 人刑罰 ê 苦楚, 這有啥物可取? M̄ koh, lín 若因為做好事受苦, koh ē tàng 忍耐, 上主 tòh ē 祝福 lín。 21 這 tòh 是上主呼召 lín ê 目的; 因為基督 mā bat 為 lín 受過苦, 留落來好模範 hō lín, thang hō lín 跟 tòe 祂 ê 腳步。

lâu lohài hó bôhoân hō lín, thang hō lín kintòe I ê khapō:

22 Kitok lóng bô hoân chōe,

mā bô lāng thiaⁿkòe I kóng pèhchhát.

23 I hō lāng lóemē ê sī, bē ēng pháíⁿōe ìnchhùi; siū gèkthāi ê sī, mā bē pàngsiaⁿ khióngghat; I chū ká kakī kauthok hō hit ūi chiàu konggī símphò^a ê SiōngChú. 24 Kitok tī s'p'j'kè téng chhinsin tamng lán ê chōe, hō lán thoatlī chōe ê khúnpák, ē tàng tī konggī tióng sengoáh. Inūi I siū piⁿphah ê sionghûn, lín tòh tit tiòh i hó. 25 Lín íchêng chhinchiūⁿ sī sitbê ê iūⁿ, chit má khiok íkeng koh tòt'ng lāi lín lêngghûn ê bókchiá kah kàmhōchiá hia.

22 基督 lóng 無犯罪，

mā 無人聽過祂講白賊。

23 祂 hō 人詈罵 ê 時，bē 用 pháíⁿ 話應嘴；受虐待 ê 時，mā bē 放聲恐嚇；祂只有 ká kakī 交託 hō hit 位照公義審判 ê 上主。24 基督 tī 十字架頂親身擔當咱 ê 罪，hō 咱脫離罪 ê 網縛，ē tàng tī 公義中生活。因為祂受鞭 phah ê 傷痕，lín tòh 得 tiòh 醫好。25 Lín 以前親像是失迷 ê 羊，chit má 卻已經 koh 倒 t'ng 來 lín 靈魂 ê 牧者 kah 監護者 hia。